



REPUBLIKA E SHQIPËRISË
UNIVERSITETI I SPORTEVE TË TIRANËS
SENATI AKADEMIK

Nr. 44/6 Prot.

Tiranë, më 13.01.2022

VENDIM

Nr. 7, datë 13.01.2022

PËR

MIRATIMIN E RREGULLORES SË FUNKSIONIMIT
TË KËSHILLAVE STUDENTOR NË
UNIVERSITETIN E SPORTEVE TË TIRANËS

Në zbatim të nenit 40 të Ligjit nr. 80/2015 “Për arsimin e lartë dhe kërkimin shkencor në IAL e RSH”, të nenit 25 të Statutit të UST-së, të nenit 11 të në Rregullores e UST-së si dhe në shkresën e Komisionit të Mbarëvatjes së Veprimtarisë dhe Marrëdhënieve me Studentët nr. 52 prot. datë 12/01/2022 “Propozim për miratim të Rregullores së Funkcionimit të Këshillave të Studentëve në Universitetin e Sporteve të Tiranës” Senati Akademik i UST-së në mbledhjen e datës 13/01/2022,

VENDOSI:

1. Miratimin e *Rregullores së Funkcionimit të Këshillave të Studentëve në Universitetin e Sporteve të Tiranës*.
2. Vendimi i Senatit Akademik nr. 53 datë 19/04/2021 “Për miratimin e Rregullores së Këshillit Studentor në Universitetin e Sporteve të Tiranës” shfuqizohet.
3. Ky vendim hyn në fuqi menjëherë.

KRYETARI I SENATIT AKADEMIK

PROF.DR. AGRON KASA





REPUBLIKA E SHQIPËRISË
UNIVERSITETI I SPORTEVE TË TIRANËS
SENATI AKADEMIK

RREGULLORE E FUNKSIONIMIT TË KËSHILLAVE TË STUDENTËVE
NË
UNIVERSITETIN E SPORTEVE TË TIRANËS

Janar 2022

KREU I HYRJE

NENI 1 Objekti

- I-** Këshillat e Studentëve në Universitetit të Sporteve të Tiranës janë organizime të pavarur i studentëve i cili nuk zhvillon veprimtari politike dhe ekonomike. Këto këshilla promovojnë pjesëmarrjen e studentëve dhe koordinojnë përfaqësimin e tyre në organet drejtuese të UST-së.
- II-** Këshillat e Studentëve kanë strukturën e tyre drejtuese në çdo fakultet të UST-së.
- III-** Këshillat e Studentëve nuk mund të organizohet me struktura të tjera politike e jopolitike jashtë UST-së.

NENI 2 Qëllimi

Këshillat e Studentëve në UST shprehin mendime dhe propozime për të gjitha problemet me interes të përgjithshëm të universitetit, si për planet dhe për programet e studimit, rregulloret për veprimtaritë mësimore, të drejtën për të studiuar, cilesinë e shërbimeve, përcaktimin e tarifave të shkollimit dhe kontributeve të tjera financiare për studentët, bilancet vjetore paraprake të shpenzimeve ose ndarjen e burimeve financiare, zhvillimin e veprimtarive të ndryshme kulturore, artistike, sportive etj.

NENI 3 Mbështetja

Universiteti i Sporteve të Tiranës mbështet Këshillat e Studentëve dhe financon veprimtaritë e Këshillit Studentor të UST-së mbi bazen e nevojave dhe kërkesave të parashtruara nga Këshilli Studentor i UST-së.

NENI 4 Objektivat e Këshillave Studentor

- 1- Të trajtojë shqetësimet e studentëve dhe të veprojë për zgjidhjen e tyre kur studentët kanë të drejtë.
- 2- Të kontribuojë në rritjen e aftësive organizuese dhe administruese të grupeve më aktive të studentëve.
- 3- Të krijojë struktura që shërbejnë për informimin e studentëve dhe të kujdeset për mbarëvajtjen e tyre.
- 4- Të bashkëpunojë me organet drejtuese të Universitetit dhe Fakultetit me synim përmirësimin e nivelit mesimor dhe kërkimor-shkencor.

- 5- Të krijojë e përforcojë lidhjet midis studentëve të universitetit dhe studentëve të universiteteve të tjera në Shqipëri dhe në botë.
- 6- Të ndër marrë veprime që do të ndihmojnë në përmirësimin e nevojave të studentëve.
- 7- Të krijojë struktura ndihmëse në zhvillimin e aktiviteteve jashtëshkollore për studentët.
- 8- Të zhvillojë nivelin kulturor dhe arsimor të studentëve.
- 9- Të kryejë aktivitete që synojnë argëtimin në format e tij më të larmishme.

NENI 5

Këshillat i Studentëve e zhvillojnë veprimtarinë e tyre në ambjentet e Universitetit të Sporteve të Tiranës.

KREU II ORGANIZIMI DHE FUNKSIONIMI

NENI 6

- 1- Këshillat e Studentëve të Universitetit dhe të Fakulteteve funksionojnë duke mbështetur në parimet e bashkëpunimit, si dhe të respektit të ndërsjellë.
- 2- Funksionimi dhe zgjedhja e anëtareve në këto struktura është sipas parimit të vullnetit të deleguar dhe të barabartë nepërmjet përfaqësuesve të zgjedhur në çdo grup mësimor.
- 3- Këto përfaqësues të grupeve mësimore zgjidhen me votim të fshehtë nga të gjithë studentët e grupit mesimor me shumicë të thjeshtë votash.
- 4- Kandidatët përfaqësues të çdo grupi mund të vetkandidohen ose të propozohen nga njëri-tjetri.
- 5- Përfaqësuesit e zgjedhur të të gjitha grupeve mësimore duke mbartur vullnetin përfaqësues të të gjithë studenteve formojnë Asamblenë e Këshillit Studentor të Fakultetit.
- 6- Asambleja e Këshillave Studentore të Fakultetit me votim të fshehtë e të drejtpërdrejtë zgjedh Këshillin Studentore të Fakultetit.

NENI 7

Përbërja e Këshillit të Studentëve të Fakultetit

- 1- Këshilli i Studentëve të Fakultetit zgjidhen me votim të fshehtë e të drejtpërdrejtë të përfaqësuesve të Asamblesë së Studentëve të Fakultetit.
- 2- Këshilli i Studentëve të Fakultetit përbëhet nga 6 (gjashtë) anëtar, të cilët në mbledhjen e parë të tyre zgjedhin Kryesinë e Këshillit të Studentëve të Fakultetit.
- 3- Kandidatët për anëtarë të Këshillit të Fakultetit vetëkandidohen ose propozohen nga anëtarët e zgjedhur të Asamblesë së Këshillit Studentor të Fakultetit.

NENI 8

Kryesia e Këshillit të Studentëve të Fakultetit

- 1- Kryesia e Këshillit të Studentëve të Fakultetit përbëhet nga:
 - a- *Kryetari i Këshillit të Studentëve të Fakultetit*
 - b- *Nënkryetari i Këshillit të Studentëve të Fakultetit*

- c- Sekretari i Këshillit të Studentëve të Fakultetit*
- 2- Kryesia e Këshillit të Studentëve të Fakultetit zgjidhen me votim të fshehtë me shumicë votash në mbledhjen e parë të Këshillit të Studentëve të Fakultetit,
 - 3- Në raste kur votimi për çështje të ndryshme ka paritet vota e Kryetari të Këshillit të Studentëve të Fakultetit është përcaktuese.

NENI 9

Përbërja e Këshillit të Studentëve të Universitetit të Sporteve të Tiranës

- 1- Këshilli i Studentëve të Universitetit të Sporteve të Tiranës përbëhet nga 6 (gjashtë) anëtar, nga të cilët:
 - a- 3 (tre) anetare të tije janë Kryetarët e Këshillave Studentor të Fakulteteve;*
 - b- 3 (tre) anëtarë të tjerë (nga 1 për çdo fakultet) zgjidhen me votim nga Këshilli i Studentëve të secilit Fakultet me votim të fshehtë dhe shumicë votash.*
- 2- Anëtarët e Këshillit të Studentëve të Universitetit të Sporteve të Tiranës në mbledhjen e parë të tyre zgjedhin Kryesinë e Këshillit të Studentëve të Universitetit.

NENI 10

Kryesia e Këshillit të Studentëve të Universitetit të Sporteve të Tiranës

- 1- Kryesia e Këshillit të Studentëve të Universitetit të Sporteve të Tiranës përbëhet nga:
 - d- Kryetari i Këshillit të Studentëve të Universitetit*
 - e- Nënkryetari i Këshillit të Studentëve të Universitetit*
 - f- Sekretari i Këshillit të Studentëve të Universitetit*
- 2- Kryesia e Këshillit të Studentëve të Universitetit zgjidhen me votim të fshehtë e të drejtpërdrejtë nga anëtarët e Këshillit të Studentëve të Universitetit.
- 3- Në raste kur votimi për çështje të ndryshme ka paritet, vota e Kryetari i Këshillit të Studentëve të Universitetit është përcaktuese.

NENI 11

Kompetencat e Këshillave Studentor

Këshillat të Studentëve në UST kanë këto kompetenca:

- 1- Zgjedh ose shkarkon Kryetarin me votim të fshehtë;
- 2- Zgjedh ose shkarkon Nënkryetarin me votim të fshehtë.
- 3- Zgjedh ose shkarkon Sekretarin me votim të fshehtë.
- 4- Zgjedh ose shkarkon Anëtarin me votim të fshehtë.
- 5- Merr në shqyrtim dhe vendos për propozimet që bëhen nga Universitetet e tjera brenda dhe jashtë vendit me qëllim bashkëpunimin në fusha të ndryshme, duke u konsultuar me Rektoratin e Universitetit të Sporteve të Tiranës.
- 6- Propozon ndryshime në Rregulloren e Funksionimit të Këshillave të Studentëve në UST.
- 7- Harton Rregulloren e zgjedhjeve për Këshillat e Studentëve në UST.
- 8- Harton dhe miraton projekt programin vjetor të aktiviteteve së bashku me anëtarët, duke ja paraqitur Rektoratit të Universitetit të Sporteve të Tiranës.
- 9- Krijon komisionet për zgjedhjet e pjesshme ose të përgjithshme në Këshillat e Studentëve.
- 10- Diskuton çdo gjë të jashtëzakonshme që vihet në rendin e ditës të mbledhjes dhe merr vendime rreth saj.

NENI 12

Kryetari i Këshillave të Studentëve

- 1- Kryetar i Këshillave të Studentëve në UST, mund të jetë çdo anëtar i zgjedhur i Këshillit të Studentëve sipas procedurës dhe kritereve të përcaktuara në nenet e kesaj rregulloreje.
- 2- Kryetari ka mandat 2(dy) vjeçar dhe ushtron kompetencat e tij sipas rregullores..
- 3- Në rast dorëheqje të tij, detyra e Kryetarit i kalon Nënkryetarit aktual deri në mbarimin e mandatit.
- 4- Kryetari i Këshillave të Studentëve ka këto kompetenca:
 - a- Drejton veprimtarinë e Këshillit të Studentëve në bazë të Rregullores.
 - b- Në veprimtarinë e tij shprehet me sygjerime të cilat më pas votohen.
 - c- Përfaqëson Këshillin e Studentëve në marrëdhënie me të tretë.
 - d- Kujdeset për interesat e Këshillit të Studentëve, si dhe i mbron ato.
 - e- Ka në ngarkim zyrën e Këshillit të Studentëve dhe të gjitha materialet që ndodhen në të.
 - f- Bën deklaratime publike për të shprehur qëndrimin zyrtar të Këshillit të Studentëve mbi çështje të ndryshme pasi është konsultuar me anëtarët.
 - g- Deleton plotësisht ose pjesërisht kompetencat e tij tek zv/Kryetari, Sekretari i Këshillit të Studentëve ose tek një anëtar tjetër i Këshillit të Studentëve.
 - h- Mban vullnetin e Këshillit të Studentëve.
 - i- Merr në shqyrtim propozimet që bëhen nga Universitetet brenda dhe jashtë vendit, me qëllim bashkëpunimin e ndihmën e ndërsjellë, dhe i paraqet para anëtarëve.
 - j- Kujdeset për zbatimin e vendimeve të marra nga Këshilli i Studentëve.
 - k- Në funksion të transparencës, shqyrton në mbledhjet e tij të gjitha çështjet me karakter financiar, të lidhura me veprimtarinë e Këshillit të Studentëve, të financuara nga Universiteti.
 - l- Mban përgjegjësi për administrimin e financës së Këshillit të Studentëve të UST.

NENI 13

Nënkryetari

- 1- Nënkryetari i Këshillave të Studentëve mund të jetë çdo anëtar i Këshillit të Studentëve, i zgjedhur sipas përcaktimeve të rregullores së funksionimit dhe zgjedhjes së Këshillave Studentore në UST.
- 2- Nënkryetari ka mandat 2(dy) vjeçar.
- 3- Në rast dorëheqjeje të Kryetarit, nënkryetari merr rolin e tij deri në përfundim të mandatit.

NENI 14

Sekretari

- 1- Sekretari i Këshillave të Studentëve ka mandat 2 vjeçar dhe ushtron kompetencat e tij sipas rregullores.
- 2- Zgjidhet nga Këshilli i Studentëve të UST-se/ose të Fakultetit.
- 3- Në kete detyrë zgjidhet një nga anëtarët e Këshillit të Studentëve të UST-se/ose Fakultetit duke u vetkandiduar ose propozuar nga anëtarët e tjerë të Këshillit respektiv.
- 4- Ata zgjidhen me shumicë të thjeshtë votash me votim të fshehtë e të drejtperdrejte.
- 5- Kompetencat e Sekretarit të Këshillave të Studentëve janë:
 - a- administron dokumentacionet origjinale të Këshillave të Studentëve;

- b- Mban procesverbalin e mbledhjes;
- c- Harton dokumentacionet.

NENI 15

Anëtari i Këshillave të Studentëve

1. Anëtari ka të drejtë:

- a- Të firmosë një kontratë ose formular anëtarësimi për angazhimin e tij vullnetar, e cila përfshin të gjitha detajet për regjistrimin dhe punën e tij.
- b- Të marrë informacione mbi punën që kryhet nga organizata dhe të vendos bashkëpunim me drejtuesit e saj dhe veprimtarinë e tij të ardhshme.
- c- Të marrë trajnimet dhe udhëzimet e nevojshme për punën që do kryejë.
- d- Të ketë mbikqyrje dhe ndihmë të vazhdueshme në punën e tij.
- e- Të trajtohet sipas të drejtave të njeriut, pavarësisht nga feja, politika, origjina etj.
- f- Të përfitojë nga çdo lehtësirë që krijon organizata për anëtarët e saj.
- g- Të çertifikohet për punën e tij si vullnetar.

2. Anëtari ka këto detyrime:

- a- Të kryejë punën e tij si anëtar sipas marrëveshjes së arritur me drejtuesit e Këshillit të Studentëve.
- b- Të respektojë dhe të veprojë sipas Rregullores.
- c- Të zhvillojë me përgjegjësi dhe në kohën e caktuar detyrat e pranuar dhe në rast pamundësie të njoftojë strukturat përkatëse.
- d- Të jetë korrekt dhe i përgjegjshëm.
- e- Të japë këshillime, opinione dhe propozime për stafin, për t'i ndihmuar në zhvillimin e suksesshëm të projektit.
- f- Të bashkëpunojë në grup me vullnetarët e tjerë, si dhe me strukturën drejtuese.

NENI 16

Kandidimi për Kryetar

- 1- Të drejtën për tu kandiduar si Kryetar të Këshillit të Studentëve të UST-se apo Kryetar të Këshillit Studentor të fakultetit e kanë:
 - a- anëtarët e Këshillit respektiv të Studentëve;
 - b- Keta candidate duhet të kenë arritje akademike të mira;
 - c- Studentet e vitit të parë nuk lejohen të kandidojnë për këto detyra
- 2- Kandidimi i çdo anëtari merret në shqyrtim nga Këshilli i Studentëve në mungesë të kandidatit.
- 3- Çdo anëtar ka të drejtën të vetëkandidohet nëqë ai/ajo nuk propozohet nga anëtarët e tjerë të Këshillit të Studentëve.
- 4- Çdo anëtar i Këshillit të Studentëve ka të drejtë të propozojë vetëm një kandidaturë.

NENI 17

Kandidimi për Nënkryetar

- 1- Të drejtën e kandidimit për Nënkryetar të Këshillave të Studentëve e ka çdo anëtar i zgjedhur në votimet që mbahen për Këshillin e Studentëve respektiv.
- 2- Çdo anëtar ka të drejtë të vetëkandidohet nëqë ai nuk propozohet nga anëtarët e tjerë.
- 3- Çdo anëtar ka të drejtë të propozojë vetëm një kandidaturë.

NENI 18
Kandidimi për Sekretar

- 1- Të drejtën e kandidimit për Sekretar të Këshillave të Studentëve e ka çdo anëtar i Këshillit të Studentëve, të cilët janë zgjedhur në votimet që mbahen për Këshillin e Studentëve.respektiv.
- 2- Çdo anëtar ka të drejtën të vetëkandidohet nqs ai nuk propozohet nga anëtarët e tjerë.
- 3- Çdo anëtar i KS ka të drejtë të propozojë vetëm një kandidaturë.

NENI 19
Kandidimi për Anëtar të Këshillit të Studentëve të UST-së

- 1- Të drejtën e kandidimit për Anëtar të Këshillit Studentor te Fakulteti e ka çdo student i zgjedhur si anetare i Këshillit Studentore të Fakultetit.
- 2- Çdo anëtar i këtij Keshilli ka të drejtën te vetëkandidohet.
- 3- Çdo anëtar i Këshillave të Studentëve ka të drejtë të propozojë jo më shumë se një kandidaturë për anëtarë.

NENI 20
Shkarkimi i Kryetarit

- 1- Kur shpërdoron emrin e Këshillit për qëllime personale.
- 2- Kur shkel konfidencialitetin e informacioneve dhe e të dhënave për studentët.
- 3- Për veprimtari të paligjshme (korrupsion, sekser etj), në kundërshtim me rregulloren.
- 4- Merr 4 vërejtje për shkelje të etikës gjatë mbledhjeve, aktiviteteve të Këshillave të Studenteve.
- 5- Shkarkohet me votim të fshehtë, me shumicë votash nga anëtarët e Këshillit të Studenteve.

NENI 21
Shkarkimi i Nënkyetarit

- 1- Kur shpërdoron emrin e Këshillit për qëllime personale.
- 2- Kur shkel konfidencialitetin e informacioneve dhe e të dhënave për studentët.
- 3- Për veprimtari të paligjshme (korrupsion, sekser etj), në kundërshtim me rregulloren.
- 4- Merr 4 vërejtje për shkelje të etikës gjatë mbledhjeve, aktiviteteve të Këshillave të Studenteve.
- 5- Shkarkohet me votim të fshehtë, me shumicë votash nga anëtarët e Këshillit të Studenteve.

NENI 22
Shkarkimi i Sekretarit

- 1- Kur shpërdoron emrin e Këshillit për qëllime personale.
- 2- Kur shkel konfidencialitetin e informacioneve dhe e të dhënave për studentët.
- 3- Për veprimtari të paligjshme (korrupsion, sekser etj), në kundërshtim me rregulloren.

- 4- Merr 4 vërejtje për shkelje të etikës gjatë mbledhjeve, aktiviteteve të Këshillave të Studenteve.
- 5- Shkarkohet me votim të fshehtë, me shumicë votash nga anëtarët e Këshillit të Studenteve.

NENI 23 **Shkarkimi i anëtarit**

- 1- Kur shpërdoron emrin e Këshillit për qëllime personale.
- 2- Kur shkel konfidencialitetin e informacioneve dhe e të dhënave për studentët.
- 3- Për veprimtari të paligjshme (korrupsion, sekser etj), në kundërshtim me rregulloren.
- 4- Merr 4 vërejtje për shkelje të etikës gjatë mbledhjeve, aktiviteteve të Këshillave të Studenteve.
- 5- Shkarkohet me votim të fshehtë, me shumicë votash nga anëtarët e Këshillit të Studenteve.

NENI 24 **Administrimi financiar i Këshillit të Studentëve të UST**

Bazuar në nenin 99, pika 6, të ligjit nr.80/2015, datë 22.07.2015, “Për Arsimin e Lartë dhe kërkimin shkencor në Institucionet e Arsimit të Lartë në Republikën e Shqipërisë”, Universiteti i Sporteve të Tiranës financon veprimtari të Këshillit të Studentëve të Universitetit të Sporteve të Tiranës.

NENI 25 **Zgjedhjet**

Zgjedhjet për Këshillat e Studentëve, procedurat dhe modalitetet e mbajtjes së tyre rregullohen sipas:

- a- Ligjit Nr.80/2015, “Për Arsimin e Lartë dhe Kërkimin Shkencor në Institucionet e Arsimit të lartë në Republikën e Shqipërisë”.
- b- Statutit dhe rregulloreve të Universitetit të Sporteve të Tiranës.